

欽定剿平三省邪匪方略

欽定剿平三省邪匪方畧正編卷一百四十八

庚申
年

二月初五日 戊子松筠奏言查前竄西鄉一股賊

匪德楞泰在大灣打仗殲斃多名該匪由茶鎮一帶分竄王文雄長春趕至司渡河迎剿德楞

泰卽遵奉前

旨渡江西來沿途探得石泉一股賊匪從柳溪河搶渡竄至漢陰之池河其張逆餘匪兩股又從二

郎壩江口等處先後竄至棧道西入甘境德楞
泰以張逆旣分股竄入甘省池河之賊爲數亦
僅一千餘人移咨台布就近剿辦惟西路更爲
緊急因帶兵趕至褒城與額勒登保會商於二
十二十一兩日先後由棧道西進那彥成恒瑞
由寶雞繞赴汧隴一帶在東北迎擊楊揆慶成
已帶固原甘涼之兵馳赴鞏昌扼住西北截剿

至平利賊匪回至四川黃墩又合另股賊匪折
回大小魚河一帶乘夜暗撲得勝坡官兵營盤
經總兵慶溥督飭兵丁施放鎗礮斃賊甚多自
子至寅猶未肯退慶溥帶兵躍出卡牆齊力擊
殺斃賊一百餘名始行敗退沿途又斃賊八十
餘名餘匪竄至文彩溝經道員溫承惠帶領鄉
勇在八卦廟邊截賊匪遂竄往湖北竹谿之小

田壩黃土坡等處詢據難民供稱此股係徐掌
櫃張洪榮爲首約有三四千人又有一股川匪
由紫陽安康竄入平利之花梨樹等處慶溥留
防邊境溫承惠急督鄉勇由孟石嶺迎截殺賊
數十名該匪搶上山梁屯紮署知縣任奎光候
補州判邱灝投効縣丞林延昌分率千總陳表
王英周永清等三路上攻奮力齊進該匪不能

抵敵翻梁奔走我兵沿途追殺該匪連夜奔安
康之羊溪河一帶共殺賊二百八十餘名生擒
彭祖文等五名訊據供稱此股賊首苟文明男
婦共三千餘人當將該犯等正法救出附近被
裹難民王騰萬等男婦一百二十五名口給票
回籍兩次打仗出力將弁兵勇俟查明奏請鼓
勵至苟文明從平利竄回安康南境知府周光

裕副將劉成基在戴花嶺堵截勢將回川其西
鄉之賊經王文雄長春趕赴司渡河一帶堵剿
該匪遂竄出太平之城口西鄉境內現已肅清
甘肅之賊經額勒登保等各路兜剿自必由原
路竄回臣卽飭王文雄等仍移師汚縣遏其東
奔江北之路以便額勒登保等併力剿洗其在
江北之張~~之~~湖餘匪惟餘一股竄至蓋屋之就

峪岱森保帶兵由賣雞向東兜剿台布聞甘省
賊匪逼近隴州之信亦趕出子午峪顧住北面

大道並截剿此股之賊至石泉柳溪河搶渡之

賊已入池河山內將近五郎有總兵多爾濟扎

普等由城固洋縣前往截剿臣並飭商州各屬

嚴密防堵無使蔓延又札知防守紫陽之額勒

亨額柯藩平利之慶溥溫承惠漢陰之遊擊張

應魁都司德克精額等無分畛域賊近何處卽
帶兵迎截知會前途互相策應不得株守一處

以致賊匪乘間他竄現在甘省賊匪多有著名

首逆隱匿其中額勒登保那彥成德楞泰等三

路大兵均已先後趕到分路兜剿定可痛加殲

戮臣 惟督率各屬趕辦糧餉源源接濟勿致缺

乏以冀迅速成功奏入

上命軍機大臣傳諭松筠長麟曰徽縣兩當竄匪在
隴州清水地方業經那彥成繞道迎擊將賊匪殲
擒三千餘名得有勝仗松筠以甘省之賊經額勦
登保等各路兜剿自必由原路竄回卽飭王文雄
等移師沔縣過其東奔江北之路所辦尙好現在
軍情湖北甚爲緊要松筠於迎培長麟後務卽兼
程馳赴竹山竹谿等處剿堵兼施以期肅清楚境

如應需酌帶兵力或卽將慶溥原帶之兵酌撥數百名或千名令該鎮隨同前往倘慶溥現在該處堵剿難以分身或另派將弁帶兵同往亦可至倭什布在湖北日久於地方情形自應熟悉松筠到後毋庸卽令來京倭什布仍應在楚多住十數日將一切事宜會同商酌俟松筠接辦得有端緒再行起程至松筠自到陝省辦理軍務以來未見稍

布並任川省賊匪竄入陝甘境內本應治以
應得之罪今不加深究仍調伊犁將軍並令暫署
湖廣督篆松筠務須自知愧咎將竹山竹谿等處
窺匪速行設法剿辦務期淨盡不可因伊犁現在
無事遲難就易卽思來京陛見前赴新任總應俟
陝甘各股賊匪及川省分竄之賊一律辦竣松筠
聽候諭旨再行起程來京陛見後留駐一兩月再

赴伊犁將軍之任亦未爲遲至長麟接奉此旨著卽馳赴漢中與松筠交代以便松筠速赴楚省其陝省石泉平利等處賊匪著長麟督飭鎮將責力剝辦所有各路軍營糧餉等項並著悉心籌畫俾無缺乏

上又命軍機大臣傳諭倭什布曰松筠奏陝省平利賊匪經慶游等截擊遂竄往湖北竹谿之小田壩

黃工坡等處並經詢之難民據稱賊首係徐掌櫃
張洪榮約有三四千人等語前此由平利竄過竹
谿之賊經倭什布帶兵堵截後曾否將賊匪剿淨
或賊匪又復逃往何處藏匿何以自上月二十三
日奏到後至今又閱十餘日並未見續有奏報前
據吳熊光奏稱竹山竹谿賊匪分爲二股一股在
縣之漳洛河屯聚一股竄至火爬溝相距房竹縣

城均不過九十里是竹谿竹山竄賊豫省均已得
信何以倭什布轉未奏及著卽將現在賊匪蹤跡
及作何剿辦之處迅速馳奏

同日廣厚奏言

臣遵

旨起程馳赴鞏素據各州縣稟報賊匪數股竄擾甘
竟醜類衆多勢較猖獗查姜開陽所調官兵四
于名俱交楊揆管領若臣與楊揆會合一處恐

顧此失彼分之則兵數又覺太單於事無益

臣

因酌調西寧鎮營及附近之河州營汎兵二千

三百名帶領前往惟此項調派之兵多係新招
人伍恐不得力伏思上年曾奉

諭旨令調阿拉善兵彼時

臣

因藍白兩號賊匪勢已

窮蹙官兵足敷剿辦奏請免調今事處緊急

臣

隨咨會旺親班巴爾挑派蒙古官兵或一千名

或一千五百名隨同協剿臣俟抵鞏秦察看情

形卽由西北兩面進兵藉以保護完善地方逼
令賊匪仍竄東南以便相機剿殺奏入

上命軍機大臣傳諭廣厚曰廣厚奏挑派阿拉善兵
丁隨同協剿一節未免稍涉冒昧口外蒙古兵丁
如打仗奮勉必須多爲賞給倘稍不得力又未便
加以懲創前此楊揆安開陽共調兵丁四千名合

之廣厚現帶西寧及河州之兵二千三百名已有
六千餘名之多兵力不爲不厚又何必復行添調
蒙古兵丁耶但此項兵丁旣經挑撥亦未便卽行
撤回著廣厚於馳抵甘肅邊界後卽行察看情形
如該處竄匪剿辦完竣或所帶之兵已足敷用可
以無須蒙古兵丁幫同協剿卽令該兵等回歸原
處不必帶同前往

初六日己丑額勒登保奏言前因高姓等股賊衆

及張漢潮餘匪俱分起竄入甘省並有漸趨東

北之勢當經奏明徑由棧道出寶雞截剿茲於

二十八日行抵隴州之固關探知那彥成等於

二十五日已入甘肃省清水縣屬之恭門鎮距賊

不遠是夜發兵二十六日從隴山鎮水洛城等

處進剿殺賊甚多其被脅民人投出散去者不

少該匪等向北奔竄有出靜寧州之勢那彥成
等當經跟蹤緊剿離臣已二三百里查靜寧州

境不惟通達華亭平涼由甘入陝大路兼可直

抵黃河上流關係緊要臣帶兵卽由固關抄出

華亭平涼等處攔截倘到彼時賊匪未經竄至

臣卽帶兵逼入隆德靜寧與那彥成等併力會

剿如賊匪業已竄近平涼臣旣在迎頭截剿亦

斷不令竄至大路疊據各地方官稟報賊匪聞
官兵踵至分股逃竄或千餘人或數千人不等
有竄入岷州境內者有竄入階州境內者那彥
成所剿係竄清水之賊岷階一帶亦應兼顧脊
德楞泰先經遵

旨來甘臣於褒城途次會晤因甘肃省現在賊勢較重
急應合兵殲洗曾經奏明德楞泰由兩當秦州

進剿臣近奉

諭旨令德楞泰前赴湖北邊界幫同倭什布剿辦竄匪自應遵

旨令德楞泰前去但計德楞泰日內已抵秦州距岷
階不遠正可趕剿該處竄匪若又移師赴楚相
隔二千餘里一時難於趕到於事無濟且查前
此慶溥溫承惠稟報賊匪經該鎮道擊退竄入

平利其地接近竹谿倭什布駐劄邊界係以逸待勞賊至原應截擊臣早經飛咨倭什布督率

兵勇嚴加堵剿又飭七十五慶溥等盡力追捕

自不致深入楚疆至陝省張漢潮餘匪分爲三

股一股尚在鎮安五郎等處兩股先由陳倉溝

一帶接竄入甘已與前此竄甘之賊合夥岱森

保帶領馬步官兵一千二百餘名從城固洋縣

追剿由鳳縣寶雞入甘境查甘省已有

臣

那彥成德楞泰三路重兵剿辦岱森保所帶官

兵可以毋庸前往惟馬隊官兵岱森保帶領最

爲得力甘省山勢平衍馬隊更易施展

臣

因將

岱森保及所帶之兵酌留一百餘名隨同前進

其餘官兵一千餘名卽飭侍衛愛星阿等帶赴

台布一路以資應用並探聞西鄉境內竄散賊

匪又有躡淺過江者爲數不多但該匪等或乘
間東竄商雒亦爲可慮

臣

已飛咨台布督率總

兵關騰觀祥多爾濟扎普及將弁等在鎮安五

郎一帶設法兜截務先扼其東去商雒之路伏

思現在賊匪分竄甘省爲重

臣

與那彥成等一

面緊剿一面總當緊顧東北通衢先將甘省現

有之賊掃蕩再移師川陝等處一律殲除並咨

明長麟卽行赴甘於適中之地駐劄督率所屬
將糧餉軍火各項妥爲籌辦以利師行奏入

上命軍機大臣傳諭額勒登保曰此股竄往秦隴一

帶賊匪已經那彥成在清水地方痛加殲戮分竄

西和禮縣等處那彥成於秦隴一帶截住東北之

路正盼額勒登保前來會合夾擊今額勒登保帶

兵纔過隴州行走未免稍遲此時旣由固關抄出

華亭平涼等處扼賊奔竄大路而那彥成緊躡賊
蹤而來正可兩面夾擊務當在甘省地方將竄匪
土緊殲盡至平利大寧竹谿交界處所雖有倭什
布七十五慶溥相爲犄角而倭什布七十五二人
皆不足恃早有旨令松筠俟長麟一到卽赴湖北
會同剿賊目下額勒登保與那彥成專力速剿甘
省賊匪如賊已窮蹙不過零星奔竄額勒登保卽

遵照諭旨交那彥成追捕伊迅卽統領原帶官兵
就近由階文趕赴川西幫同魁倫速除嘉陵江西
岸竄匪此爲最要

上又命軍機大臣傳諭德楞泰曰前因賊匪搶渡嘉
陵江已令德楞泰帶兵由廣元昭化趕赴川西會
同魁倫剿辦本日據額勒登保奏岷州階州境內
有分股賊匪竄入現在德楞泰已抵秦州距岷階

不遠而階文一路由白水江前赴成都較爲捷近
著德楞泰卽馳赴岷階一帶相機辦理如能將此
股竄匪迅速剿盡固屬甚善倘未能剋期辦竣現
在吉蘭泰廣厚楊揆等俱帶兵在甘境剿賊何人
較近德楞泰即可酌調交伊剿辦德楞泰卽由階
文取道速赴川西寶力截剿將該處賊匪上緊辦
竣或仍逼回川東川北一帶總須將川境之賊悉

數殄平彼時察看何處需兵幫助再赴他處協剿

同日倭什布奏言查賊匪於和合埢雙竹圍被

官兵兩次抄剿仍恃其人數衆多分股東突十

六七等日在邊魚口又復會合漸向北趨臣思

竹山係灘貯糧餉軍火要地十八日趕抵該縣

見鄉村逃難民人接踵而至探知賊衆已至田

家壩一帶屯紮臣卽派令總兵孫清元於十九

日帶領官兵由南田壩兜截臣正在起程間該

匪突由田家壩竄至城南菜園嶺山梁先有馬

賊數十騎步賊六七百人直撲至南門外溪口

猖獗已極臣帶同道員依精阿知縣范繼昌登

城督率施放鎗礮並令守備吳純俊千總姚啟

由東門都司鄧興相把總吳成凱由西門各帶

練勇抄出保護關廂迎前擣敵該匪遂撤上山

腰搖旗招集後隊當卽飛調孫清元等折回自
東而西橫截賊勢鎗箭齊發並用礮轟打斃賊
三四十人搶上山梁紮住至夜賊兩次分撲各
營俱經官兵擊退二十日黎明兵勇併力下壓
殺賊十餘人生擒劉文榜陳嘉穀等三名賊始
退回三十里屯聚田家壩官兵正擬趨勢進剿
據報房竹交界漳洛河地方已有賊人擾至

臣

料該匪分股牽綴既須兜向西南逼歸一處而
田家壩之賊距城甚近道叟遮道攀留因令孫
清元等盡挑得力官弁兵勇齊往東路攔擊臣

親率兵七百餘名暫駐近城火扒溝梁扼住賊

尾南護縣城孫清元等於二十一日抄至房縣

境內秦口地方遇賊接仗殺賊二十餘人追至

覃家壩後有白旗賊衆自旁繞出經恭將海麟

等率領兵勇接應皆逼向馬家河前竄殺賊五十餘人正在跟剿又有青旗賊衆擾至三交界

塘北大道房縣文報糧運業已阻塞臣飛飭孫

清元等先行帶兵前往疏通二十二日至八道

河地方遇賊遊擊胥泗起等首先迎擊官兵分

兩面抄進殺賊四十餘人生擒姜繼文杜守仁等六名奪得旗幟鎗矛賊衆分道亂竄是夜向

北突至陳家鋪勢欲直走化口入鄖縣境內北

趨江岸二十三日

臣

探得田家壩賊尾亦東奔

八夥當募鄉勇六百名在房縣西北得勝坡住

守扼定北面化口之路

臣

卽移駐山界就近督

率二十四日黎明孫清元等帶兵兜至黃龍堰

遇黃白大旗匪衆守備張懷毓鄉勇首領辛得

勝鄭光明胡成列等率練勇當前剿殺斃賊五

官兵勇無多另行查明咨部辦理現在賊匪分
作三股散竄一路赴南面上龕一路赴汪家河
似欲竄近房縣縣城已飛飭孫清元抄至近城
攔賊東竄一路斜趨西北仍欲窺伺化口前入
鄖境該處關係北面江岸臣不便移兵與孫清
元會合因仍在界山得勝坡暫駐若東面兜賊
回奔更可夾擊逼其南向現在總兵王凱自巴

東派來之都司毛秉剛帶兵一千名已由東來
抵房縣境至德楞泰早抵陝省西鄉一帶並知
經畧額勒登保已奏令回川督辦各股賊匪七
十五現在大寧寶塔地方距楚尙近臣已飛咨
令其取道巴東興山等處由保康房縣東面兜
至荊襄一帶自不致震動而兵力厚集可冀剿
辦得手奏入

上命軍機大臣傳諭倭什布曰此次賊匪竄近竹山
縣境到處攻撲經倭什布督率官兵分投截剿殺
賊共三百餘人並飛飭總兵孫清元等疏通房縣
道路添撥鄉勇在得勝坡駐劄扼定房縣北面使
賊匪不敢直竄鄖縣近江之路堵禦尙屬嚴密惟
樊人傑之弟樊人貴係同惡相濟之人旣經擒獲
應卽凌遲處死何必咨商額勒登保以致往返需

時有稽顯戮此時倭什布調遣兵勇悉力堵截務
將各股竄匪卽在楚境盡數殲除斷不可令其北
趨江岸逼近河南亦不可僅將賊匪驅出楚境復
任折回陝境或闖入四川又成分竄之勢再倭什
布前因防堵疏懈令其來京候旨已令松筠署理
湖廣總督印務昨又諭知俟松筠到楚後留住十
數日再行來京但松筠到楚於該處情形未熟倭

什布著留湖北軍營幫辦剿賊事務伊並未革去
翎頂正可勉力自効以贖從前貽悞之罪

同日魁倫奏言

臣

統兵行至順慶府賽雲臺地

方探報賊匪於渡江後卽竄至蓬溪縣二十三

日夜由該縣之西南兩路前來焚燬城外舖戶

民房經署知縣陳煥章守備劉興國督同兵勇

施放鎗箭拋擲石塊傷斃賊匪數名至次日卯

刻賊匪始退仍在離城二十里之觀音巖屯紮
賊匪聞係梅姓官兵奪獲矛桿俱係藍號伏思
蓬溪爲赴省及重慶適中之路當卽派令總兵
朱射斗百祥副都統阿哈保帶領滿漢官兵星
夜馳往截擊臣亦卽統領大隊隨後繼進遏其
竄省之路逼令折回東走計七十五接到臣札
亦卽統兵自東而西正可兩面夾擊至德楞泰

處臣

先經咨明囑其由陝回川取道川北會剿

本日知復有別股賊匪竄楚之信是楚省最關

緊要德楞泰自應赴楚省邊境遏截賊匪逼其

回川

臣

與七十五亦卽相機將該賊匪逼至川

東合力攻剿至自蓬溪赴省之路查射洪縣太

和鎮地方有潼河一道尙爲扼要本日接據署

藩司先福署臬司董教增稟稱已派有滿漢官

兵一千餘名於二十三日前往太和鎮一帶防
堵省城尙存新兵及因病遣回之兵四千餘名
諒亦足資防守至於簡州金堂漢州各渡口已
飭成都府親赴各該處多派壯役齊集團勇嚴
密巡防至大寧路通陝楚必須大員在彼防守
阿迪斯目下未便遽離該處托津奉

命來川計此時業已在道二月中旬後即可行抵達

州況大寧距達州有半月之程卽阿迪斯前來
與托津到達州之期所隔不過數日而達州軍
需重務又未便專交道府經理應請暫令廣興
仍管軍需事務俟托津到日再行起程進京復
命廣興經

皇上訓傷之後臣必愧懼交集臣亦致札再爲剴切
規勸諒此二三十日間斷不致復行輕率任意

致滋賊事奏入

命軍機大臣傳諭魁倫曰賊匪搶渡嘉陵江西岸
節次諭令魁倫帶兵迅速追捕乃本日奏報僅行
抵順慶而賊匪已在蓬溪滋擾並未緊躡賊蹤奮
力截剿辦理甚爲遲緩川西一帶俱係完善地方
重慶成都在在均關緊要魁倫旣已疎防於前當
此萬緊之際尙不思鼓勇直前親往剿辦僅派朱

射斗阿哈保等前往截擊何不知輕重緩急若此
魁倫著傳旨嚴行申飭現據奏稱蓬溪赴省之路
有潼河一道可以扼要堵賊西竄已經先福等另
派官兵赴太和鎮一帶防守魁倫一路現有朱射
斗百祥阿哈保而七十五亦統兵自東而西務當
趁賊匪在蓬溪屯聚之時併力截擊況省城派往
之兵已扼住潼河不能竄越正可爲兩面夾擊之

計魁倫若能在蓬溪地方之東北卽將賊匪剿淨
尙可自贖重愆否則總須逼賊折回川北川東斷
不可令其直向西南奔竄況川省分竄楚陝之賊
經侵什邡台布等堵禦自必仍行折回川省東北
一帶現在甚屬空虛魁倫尤當將現竄蓬溪大股
賊匪驅回川北川東地方合力剿辦方無顧此失
彼之虞若賊匪已折回嘉陵江東岸卽應於西岸

嚴密堵住可將先福所派官兵一千名分布江岸
悉力防禦勿令賊匪復思窺伺西岸此爲最要現
在川省賊匪俱責成魁倫一手剿辦其所調貴州
兵三千名著魁倫飛催趕到加以現帶各路官兵
軍威不爲不壯該督前此旣經貽誤此時不可不
倍加感奮倘再任賊匪直趨重慶成都而楚陝震
匪又復折回川北川東該處漫無防守或致蔓延

則魁倫之罪更重國法具在不能再爲曲貸矣再
前日魁倫奏賊匪搶渡嘉陵江係定遠縣知縣孫
熙稟報此等防守不力之員自當卽行叅奏何以
兩次摺內總未提及仍欲消弭迴護並著魁倫據
實嚴參又據奏請暫留廣興一節廣興本無大過
且於支發軍需頗知慎重前已降旨將廣興留川
幫同托津辦理軍需魁倫前此任意叅人今自知

有罪又迴護前言自問於心魁倫有罪乎廣興有
罪乎總之嘉陵江西岸之賊早完一日則魁倫之
罪稍輕一等且看伊如何立功自贖耳

同日台布奏言臣前因川匪竄至漢江在石泉

地方屯聚急思趕赴商州緊扼陝豫門戶又值
張逆小股竄至辛峪中途暫爲停待將賊匪逼
回舊路嗣緣觀祥帶領馬隊已將峪口顧住而

省城迤南平地處所似此者尙多 既在近峪

若不布置停妥入山不能放心適於二十六日

在省城東遇見長麟當將地方軍務一切應辦

事宜逐一面商臣卽倍道前赴商州途次准額

勒登保來咨令臣於五郎鎮安一帶探蹤迎擊

臣素知商州所屬傳習邪教者甚多如上年商

南劉學貴勾結起事一案卽屬明驗此時正可

借防堵豫境爲名親往彈壓惟臣帶兵無多不

能分留駐守現令該州知州陳祁先將鄉勇趕

緊操練一面知會河南撫臣吳熊光一體派兵

防範接據石泉縣稟報前過漢江一股川匪已

由漢陰竄至安康鎮安交界勢漸東趨副將多

爾濟扎普前經叅贊德楞泰飭令在石泉防守

今川匪竄往漢陰該協追剿之張逆餘匪欲往

甘省又復星夜趕去

臣

查此股餘逆果往甘境

正遇各路大兵現在副都統岱森保奉經畧札

調帶領馬隊及湖南兵隨經畧前進該營僅愛

星阿一人兵力更單已飛飭多爾濟扎普如所

追小股業已入甘與川匪合夥該協卽行轉回

與愛星阿併力搜捕肅清一路

臣

一二日內當

卽帶兵迎赴鎮安一帶將過江川匪探蹤截剿

至臣營兵力分撥觀祥後實亦愈單前於各州

縣查收留養病痊兵五百一十餘名逐一揀汰

擇其可用者二百九十六名亦已分給觀祥留

堵峪口臣到漢陰一帶惟當酌添壯健丁勇因

不值冒險輕試亦必不敢錯過事機

台布又奏言臣自分營以來凡滿漢將弁馬步

兵丁以及弓箭鳥鎗火藥鉛丸一切情形遂加

查驗體察現在機宜斷不可不及早變通以爲

補救之計此數股川匪竟當盡數逼入陝省南

山方易收拾賊匪數至二萬因四川省無可搶掠

肆行奔竄其意總在湖北河南現雖竄入甘境

非其本心若竄過棧道北則西同鳳三府陝省

精華萬不可遭其蹂躪東則由商州山陽與河

南湖北處處接壤臣焦灼萬分惟南山內非山

卽水將來溪澗滿盈官兵可以搭橋賊匪斷難
徒步所可行者祇此碥埢梁腦等山路尚可扼
要堵截而且寨堡告竣後男婦大小可避雜糧
米麥可藏川匪二萬果入南山非如張逆餘匪
每股僅數百人搶奪些須糧食或一二牲畜卽
可苟延殘喘誠將馬隊留於峪外固住平原於
留壩棧道等處駐一大營防其折回甘省商雒

駐一大營杜其竄入楚豫再於五郎江口駐一大營以爲犄角不必日日趕賊專挑奮勇兵丁不令挖壕支更養其銳氣一得賊信卽令奮勇前往迎擊別令鎮將酌帶兵勇參伍錯綜四路尋賊並派文員帶領丁勇於無兵處多方以誤其鎗礮以爲疑兵俾賊匪無由窺測多方以誤其謀自阻必致自投羅網兼之春水方生南有漢

江北有渭河零星竄逸更不患其飛渡庶幾易
於成功均奏入

上命軍機大臣傳諭台布曰安康鎮安一帶竄匪最
爲緊要該撫自應速往堵剿卽恐該匪等竄往商
州道路尙遠亦可迎頭截擊何以台布竟舍石泉
大股竄匪轉赴商州竟係擇一無賊處所駐劄大
有永保大山岔之故態慎之譬如治病不於患處

用藥轉將無患處所敷治有是理乎此時石泉賊匪已由漢陰竄至安康鎮安台布旣到商州如察看該處地方安靜務須速赴鎮安將過江竄匪探蹤截剿速行殄滅不可再爲遲緩至欲將現在竄匪二萬餘人逼入南山並設大營三處以爲犄角之勢所言俱屬迂濶目下川匪渡嘉陵江西竄者已有數千而湖北竹山竹谿一帶又有數千賊匪

焉能盡行逼入南山況前此張漢潮餘匪不過數百人一經竄入南山那彥成與台布搜剿數月迄未殲滅復任竄出入甘若令數萬之賊入山屯聚豈易剿辦賊匪此時四散奔逃意在掠食又豈肯盡入南山坐受飢困且亦無如許兵勇分駐大營台布不思上緊剿賊而轉以此不中肯緊之言連篇入告何不曉事至此耶

同日署四川布政使先福奏言查冉添元等一
股賊匪前在大竹隣水一帶滋擾經魁倫自達

州統兵躡剿

臣

惟該匪等聞風奔竄節次札

飭與大竹隣水接界之合州定遠等州縣多團

鄉勇會同存城官兵嚴密堵禦茲於本月二十一

二日亥刻接據定遠縣孫熙稟稱十五十六等

日賊匪乘天雨黑夜偷船偷渡過河賊衆約有

數千餘名兵勇本屬無多猝難堵禦退守縣城

請速撥兵剿捕

臣

查川西各州縣素稱完善均

賴嘉陵江爲保障且有渠河一道今該匪等不

特已過渠河竟敢乘夜偷渡嘉陵江西岸沿江

一帶曠野平原並無險阻百姓以江足恃家有

蓋藏今猝遇賊匪竄入必已遭其蹂躪自應迅

速撥兵迎頭堵禦

臣

當卽會商署臬司董教增

並省標城守各將再四熟籌該匪等若由定遠
北竄則近順慶府城西奔可至潼川屬之蓬溪
成都與潼川境壤毗連最爲切近省城重地必
須先遏賊匪赴省之路查潼川尙有河一道自
綿州下達合州重慶歸入溪水綿亘五百餘里
內惟射洪縣之太和鎮與樂至縣二處係屬扼
要可以遏賊西竄赴省要路當卽商令滿營署

協領豐伸圖訥勒亨額等派撥駐防官兵五百名親身帶領並酌委署督標左營遊擊睦隆安軍標左營都司徐棐等帶領綠營弁兵五百名於二十四五等日分起前往太和鎮樂至縣兩路分投堵禦並飛飭沿河一帶各州縣多募鄉勇晝夜巡邏防範一面飛稟督臣魁倫速撥重兵剿捕以靖妖氛再接准魁倫札知現在奏調

黔省官兵三千名赴川協剿提撥達州餉銀二十萬兩存貯藩庫備用並已親統官兵由隣水順慶一帶前來剿擊奏入

上命軍機大臣傳諭廣興曰先福接准魁倫札知現在調撥黔省官兵二千名赴川協剿並提撥達州餉銀二十萬兩存貯藩庫備用昨據廣興奏接准魁倫咨會已撥銀十萬兩解赴順慶潼川撥銀五

萬兩解赴重慶今川省添調多兵餉項自應寬爲
預備著廣興酌量情形再於達州存貯銀兩內或
撥銀八萬兩或十萬兩卽派委員迅速解交省城
備用再現在賊匪俱竄往甘省自陝至達州一路
諒無阻滯並著廣興咨催國霖定住將該處暫留
之銀止緊解川以期軍儲充裕現在額勒登保等
帶兵赴甘一切軍需自有陝甘爲之支應廣興惟

當幫同托津專辦川省軍餉勿令稍有缺乏

欽定剿平三省邪匪方畧正編卷一百四十九

庚申年

二月初七日

庚寅長麟台布奏言竊查陝省之華

陰華州渭南臨潼長安咸寧藍田鄆縣盩厔郿

縣岐山寶雞隴州等十三州縣環依山北處處

俱有峪口與山內相通現在賊匪往來山中雖

經官兵節次剿戮但人數愈少奔竄愈捷且隨

處掠食並無裹帶軍器一日可行一百四五十

里及一百六七十里不等官兵攜帶軍糧器械
日行不過百里往往不能追及將來山內無可
搶食而大兵雲集山南賊匪窮蹙勢必竄奔山
北是山北各地方尤應多派鄉勇節節堵禦

臣長麟於正月二十六日馳抵省城

臣台布因移

營前赴商州亦於是日經過省城於所過各州
縣留心察看各處山口設有鄉勇二三百名

不等半係素無恒業之人難望其認真出力且
比內尙有年逾六七十歲者亦有僅十四五歲
者老弱充數遇事斷不可恃設有賊匪竄入山
口或由平地逃入北山則北路尤屬空虛占等
嚴詰各州縣因何不認真辦理之故據稱賊匪
滋擾已經四載精壯糧戶自謀生理俱不肯當
官出力並有知縣親身下鄉勸出鄉勇而百姓

始終不應者是抽丁圍勇一事欲辦不能不辦

不可

臣

等悉心體訪各州縣勸設鄉勇所以呼

應不靈者皆由陝省二十餘年吏治廢弛官民

不相浹洽所致今必須一面革除積弊以蘇民

困一面酌予獎勵以收民心

臣

等已將向來累

民陋弊逐條出示禁革併詳悉明白曉諭激以

大義現擬將華陰等十三州縣於近山處各派

鄉勇二三千人分守山口其山口外各村堡酌
量村堡大小糧戶多寡抽設鄉勇挖壕設卡俾
自相保衛將來設有賊匪北竄卽守口鄉勇不
能抵禦尙有守村堡之各鄉勇節節堵截賊匪
自不能任意掠食亦不能肆行奔竄前有擋阻
後有追兵似於剿捕方爲有濟惟是此項鄉勇
守堡均係本堡鄉民且係各衛室家應令其自

備器械亦毋庸議給口糧至分守山口之各鄉
勇一聞賊信卽須調赴山口日夜嚴防若不給
予口糧勢難枵腹從事查現在陝省分守山口
之各鄉勇經前任督臣松筠酌定章程以赴口
防守之日起每日給予口食大錢八十文至遇
賊接仗之日起加倍給予賊遠卽行撤回以節糜
費此次添設鄉勇應請仍照前定章程辦理至

添備器械應由各該州縣先行預備事後於督撫司道養廉內公捐歸欵再鄉勇旣設必須派人統率訓練應責成各州縣先於四鄉每鄉擇一公正能事之人作爲鄉總再擇一人作爲堡總其一切抽派團練及調撥防守各事宜俱責成鄉總堡總認真辦理州縣及委員時加查察不得任聽蠹役吏胥擾越滋擾惟是鄉總堡總

責任頗重若不量加鼓勵則殷實曉事之人不肯應選游蕩無知之輩均可濫廁其間可否仰懇

聖恩薄立賞罰各州縣中均有鄉宦搢紳文武舉人進士生監等願充鄉總堡總者准其於本身頂戴酌加一級其本無頂戴者鄉總酌給七品頂戴堡總酌予八品頂戴有功加陞有過斥革其

有遇賊接仗實在出力能保護一鄉一堡者將
鄉總堡總送部引

見懇

恩錄用鄉勇等亦一併分別勞績量爲加賞如此則
人人思奮處處嚴防不特追擒堵剿之兼施卽
招撫亦易於辦理

長麟又奏言E.適接額勒登保來咨現在賊匪

竄入甘省額勒登保由華亭平涼一帶星馳截
剿那彥成於水洛城等處遇賊接仗殲殺多人
由靜寧一帶緊躡剿辦德楞泰由兩當進發計
日內已抵秦州各路大兵齊集甘境需用糧餉
軍火刻不可緩奏明令臣卽赴甘省於適中之
地駐劄督飭所屬妥爲籌備臣查甘省現在大
兵雲集所需軍火糧餉實關緊要雖經松筠檄

飭甘省司道辦理但藩司廣厚暨蘭州道蘇廷衡現駐西寧辦事藩司楊揆亦帶兵前赴鞏昌

蘭州省城祇有臬司姜開陽該員熟悉刑名於

軍務素未諳習

臣

卽日由西安起程星赴平涼

一帶偵探何處緊要卽於適中之地駐劄督飭

文武各員妥爲籌備務俾源源接濟惟是台布

已帶兵前赴商州距川陝交界已遠松筠若再

遵

旨前赴湖北則興安漢中一帶雖有提鎮等官而無
提調督辦之員恐未必動合機宜合無仰懇
至恩將松筠仍留陝省駐劄漢中一切防堵及地方
各事件庶可期無貽悞均奏入

臣等會軍機大臣傳諭長麟松筠台布曰陝省各州縣
團練鄉勇原以保護村莊堵禦賊匪今率將游蕩

無業之人濫廁其間安望其能認真出力卽松筠
在陝雖經酌定章程給予口食但多有老弱充數
仍屬有名無實長麟現將向來病民陋弊出示禁
革並明白曉諭令精壯糧戶抽丁團勇責成各州
縣每鄉擇一公正能事之人作爲鄉總堡總酌給
頂戴論功陞賞俱屬可行惟當飭令各州縣實力
安爲不可仍前塞責至接准經畧額勒登保咨會

長麟迅赴平涼於適中之地駐劄籌備軍火糧餉
自應如此辦理惟請將松筠仍留陝省駐劄漢中
一節未爲合宜現在平利一帶賊匪竄入湖北房
竹等處分投滋擾亟須督剿有人倭什布前任湖
廣總督尙不能妥爲調度今業已解任更何足恃
是以前令松筠於長麟到後卽行赴楚督率剿辦
松筠自應遵照馳往相機截擊以期楚境肅清至

台布本係陝西巡撫 該省一切堵禦事宜皆其專
責乃台布擊剿張逆餘匪日久總未剿淨又舍石
泉大股竄匪轉赴商州竟係擇一無賊處所駐劄
昨已降旨飭諭今長麟既往甘省而松筠又須前
赴楚北所有陝省糧餉軍需等項著台布卽行回
至漢中實力籌辦務俾各路要需應時接濟毋稍
缺乏其商雒一帶防堵事宜現已降旨令國霖毋

須護餉赴川留陝帶兵著台布酌量情形或卽令
國霖前赴商雒防堵其石泉等處竄匪或酌派額
勒亨額柯藩劉之仁抽撥防江兵丁前往協剿台
布卽知會各該員遵照妥辦至台布到漢中後於
糧餉固應悉心籌畫其川省各股分竄陝境之賊
雖不必親自帶兵截剿亦應隨時察探賊蹤派員
嚴密防堵又甘境竄匪經官兵逼剿難保其不又

折回陝境台布均當留心偵探飭令地方官併力
截擊額勒登保那彥成等得以乘勢撲滅毋得稍
有疏防總之陝西全省專交台布辦理自王文雄
以下聽其調遣南防川西防甘不可不加倍奮勉
也

上又命軍機大臣傳諭副都統國霖曰陝甘分竄賊
匪正在剿捕喫緊該處帶兵之員較少國霖於陝

省交代餉銀後不必再行赴川卽留於該省作爲
領隊詢之台布如商雒一帶現需防堵卽行帶兵
前往奮力剿辦至川省餉銀需用緊急專交定住
小心照護迅速解往

同日楊揆奏言杏寧遠四門寨地方分竄賊匪
由楊家河馬鳩突至漳縣馬蓬灘一帶逼近縣
城盤踞焚掠該縣城垣低薄民情甚爲危急

臣

當將先行趕到之蘭州城守及蘭州鎮標官兵
星夜派赴漳縣堵剿該匪一見官兵復向寧遠

新寺鎮一帶竄逸維時後股賊匪陸續均由秦

州西和禮縣奔竄岷州其勢直趨西北臣與慶

成卽由鞏昌移營前至任家坪扼要堵截據探

賊匪又分股擾至岷州北面該處毗連狄道渭

源係通省城大路設乘間深竄關係甚重適有

調赴徽縣之寧夏官兵一千名路過鞏昌臣卽

勸令馳赴岷州西北石關地方嚴行防範連日

大股匪衆均分屯於岷州之紅崖荔川宕昌等

處奔竄無定此外各股有向西南滋擾階州成

縣所屬者有向東北滋擾清水秦安所屬者約

計此次川陝之賊大半入甘而蘭葦一面僅有

臣所調兵力數千酌量分布其餘如東北一面

接壞秦安之靜寧華亭等處未免鞭長莫及幸聞那彥成恒瑞統率官兵取道汧隴而來其秦州東北之賊可以先行剿辦額勒登保德楞泰帶領官兵亦從褒鳳入甘臣俟各路大兵籌定路徑卽行相機會剿奏入

上命軍機大臣傳諭楊揆廣厚曰現在賊匪分屯岷州之紅崖荔川宕昌等處奔竄無定其擾及清水

秦安一帶賊匪昨據那彥成秦於隴州地方殲擒
賊匪三千餘名已獲勝仗現又命廣厚帶兵馳赴
甘省廣厚接奉此旨卽星赴楊揆軍營幫同剿辦
並加恩將慶成授爲藍翎侍衛令其帶兵剿賊勉
圖自贖現在川省竄匪搶渡嘉陵江擾及川西是
此時川省情形尤爲著重楊揆係四川布政使自
應於廣厚馳抵甘省後卽由階文一帶速赴四川

省城辦事所有甘省邊界竄匪責成廣厚慶成二人併力兜圍土繫剿辦勿任賊匪擾近蘭州省城及西北一帶未經被賊之地惟當將賊匪逼向東南以便額勒登保那彥成等併力痛剿方合機宜慶成於剿辦甘省竄匪完竣後卽隨額勒登保軍營聽候調度

上諭內閣曰慶成前在安南帶兵曾經著有勞績嗣

於湖北剿辦教匪得受重傷回京後伊又自請前往軍營是以上年令其前赴陝省帶兵剿賊而慶成到陝後隨同明亮等剿辦張漢潮一股賊匪觀望遲延不能迅速辦竣因降旨將慶成一併革職拿問交松筠審辦擬以斬候經朕加恩將慶成改發伊犁續又經松筠奏請將慶成留於甘省帶兵亦已允准因思慶成昨年在陝省帶兵時其獲罪

止於遲緩不前較之勒保明亮等調度失宜究屬
有間今勒保明亮業經朕分別加恩棄瑕錄用令
往川陝幫辦剿賊事務慶成現在甘省帶兵亦著
加恩免其發遣賞給藍翎侍衛以觀後效

初九曰壬辰

上命軍機大臣傳諭魁倫長麟倭什布台布高杞吳
熊光曰各路軍營剿辦教匪已閱四年之久節次

所調各省官兵爲數甚多迄今尙未告竣朕思此時若再欲添兵其最得力者自莫如黑龍江兵丁但該處道路遙遠調派有需時日且經過沿途地方一切供頓需費浩繁而到營後既不能服習水土又不能曉悉該處地利情形及軍務告羸官兵凱旋時又須送回原處尤不免多有糜費是各省堵禦賊匪與其遠爲徵調自不如就近招募鄉勇

充當兵丁爲候在各該督撫之意惟恐此時招募
稍多將來竣事後各營兵額俱有定數此項鄉勇
無所歸著是以不敢多募殊不知兵制雖有一定
而現在如郎陽五郎西鄉等處業經定議應行添
設營制其餘要隘處所將來尙須酌量情形添兵
駐守以資控制所需防守各兵即可於應募之鄉
勇內分撥充補况召募鄉勇應給分例較之遠調

黑龍江兵丁節省甚多如調遣黑龍江兵丁一名
卽可募鄉勇十餘人旣屬省便而此等民人生長
斯土道路素爲熟悉各思保護田廬一時即可募
集公私兩便非若遠方徵調之等候需時其軍務
完竣後如何安置自無庸于此時鰥鷗過計轉致
辦理周章特此再行通諭用兵省分各督撫如目
前無須添兵則已若卽須添兵應于各省鄉勇內

酌爲招募勤加訓練俾成勁旅現在各省出征兵
丁傷亡病廢缺額本冬即可將新募鄉勇挑補足
數卽尙有多餘將來緊要營分亦可酌量添撥不
患無處安頓並著各該督撫切實曉諭以招募鄉
勇原爲伊等保護村莊又官給鹽菜口糧俾資食
用如有能奮勇出力者目前旣得邀頂戴之榮將
來亦可入營充伍該鄉勇等務須激發天良悉力

堵禦俾人思用命以收衆志成城之效再向來各路軍營遇賊打仗總以綠營居前令其衝鋒接刃而健銳火器二營及東三省兵丁俱在綠營之後朕所素知自添募鄉勇後則又令鄉勇前敵以擾賊鋒設遇挫劙則綠營及滿兵等相率先退一得勝仗則攘以爲功而首先陷陣之鄉勇轉致不能逐賞卽如軍營中節次打仗得勝所保俱係滿兵

綠營亦間有保列至于鄉勇則據實保奏者甚少
此實向來積弊行軍之道全在賞罰公平方能鼓
勵戎行爭先効用若鄉勇殺賊立功不能向帶兵
將領自行陳明卽任滿兵及綠營等冒功請賞而
轉使實在出力之鄉勇多有屈抑何得爲事理之
平雖軍營保奏之摺鄉勇等未必盡知但伊等見
無功者屢邀獎賞而有功者轉置不錄豈能使之

用命各路領兵官員務須力除積習如額勒登保
前此拿獲王登廷卽將鄉勇雜全董學海向文繡
等首先盤獲之處據實陳奏各加獎賞方爲實心
任事此後如再有鄉勇出力不行據實保奏甚至
將平日優待之人冒名舉薦以及官兵等並未出
力攘他人之功以爲己功者並准鄉勇等自行首
告隨時懲治庶賞罰嚴明鄉勇等知所激勸再軍

營紀律必須整肅聞各官兵行走往往擅前落後
卽如額勒登保前赴甘肅剿滅時曾於途次遇見
兵丁數人竟因行走落後托病逗遛可見帶兵官
員於所管兵丁漫無約束一路如此他路可知尤
當申明號令使之步武整齊不得仍前懈弛貽誤
致干重咎

臣等謹案我

國家修明武備訓練精良重以八旗勁旅驍勇超
倫從前用兵之際膚功疊奏何嘗藉民間團
勇之力此次教匪蔓延三省地方遼闊帶兵
大員遇徵調不及之時輒召募鄉勇幫同防
守在鄉里小民既得仰給廩餉又可自衛田
廬公私交便不過一時權宜之法而官兵等
久役疲勞勢不得不併令鄉勇衝鋒陷陣打

安立功

皇上於因利乘便之中寓察微見遠之識

諭令就近招募定日卽以挑補額兵曉諭知方預籌

安置並令將實在出力者保奏

加恩毋計官兵擾功屈抑

綸言所沛足使聞者奮興自此各路軍營義民團首
多有擒渠獻馘之人所謂容民畜衆罔非師

貞之吉也

同日魁倫奏言臣于二十六日拜摺後卽趨程

至甘草亞地方探明有藍白號賊匪在文井場

焚掠尙未移動又探有一股賊匪尙在蓬溪縣

附近焚搶臣當卽派令阿哈保朱射斗百祥等

帶領馬隊滿漢官兵鄉勇人等由李壩場分路

前往文井場一帶剿捕臣自率將弁兵勇前來

蓬溪二十八日行抵城外見附郭被賊焚燒之處餘燼未熄並見有被害屍骸居民先已避入

城內

臣

當於近城之獅子山紫營據該署縣陳

煥章及教官典史洪弁等並潼川派來之守備

劉興國教授高汝儀來謁面詢賊匪情形據陳

煥章回稱該縣於上年十二月甫經到任署事

本月十七日聞有賊匪渡江之信查縣城原有

十三段坍塌處所當卽一面趕緊集夫修築一面飛稟本府撥兵救援二十三日城工尙未完竣適潼川府派來守備劉興國教授高汝儀帶兵二百五十名前來協防甫經入城未及數刻城兵由西南兩路而來至城下缺處撲殺傷斃石匠一人該守備教授與該署縣等督率兵民極力防守相持竟夜鎗礮並施斃賊數名生擒

一名立正典刑至次日卯刻賊匪始退現在四處焚掠聲言仍欲攻城

臣

當將該員等面加獎

賞並將居民安撫卽一面派撥官兵分投搜捕

該匪等或十餘人爲一起或數十人爲一起一

見官兵卽分路亂奔勢甚散漫雖經拿獲數人

俱係附近民人被裹僅止數日訊明後卽行釋

放是晚仍派人四路偵探二十九日

臣

督率官

兵在附近地方搜查一面酌派將備帶兵赴朱
射斗一路探聽追賊信息本日據將備等回稟
至文井場適西見總兵百祥在彼紮營詢知二
十九日天明時阿哈保朱射斗等帶領兵勇於
辰刻到文井場賊匪已於夜間由該處分爲兩
路向西北一帶奔竄朱射斗所帶官兵已經躡
踪前追又恐賊匪抄截後路因留百祥在彼紮

營尙未得朱射斗等打仗信息

臣

查蓬溪路徑

叢雜與鹽亭射洪南充西充等縣地界處處可

通且賊匪如聚合大股圍剿尙易得手現在散

漫四路見兵卽走若未遇官兵卽行焚搶居民

並無堡寨可守人心

臣

惶是以仍且紮營獵

子山分兵搜捕並探朱射斗一路追賊信息再

爲相機移營前進至阿廸斯所調之屯土兵三

百名現在嶺嶄登保已遠赴陝省該兵等未能
趕上擬卽留隨臣營打仗

魁倫又奏言臣欽奉

諭旨飭令密查廣興有無別項欵蹟如有確據卽據
實叅奏等因查廣興任性見長不免少年高興
之習尙無別項侵貪欵蹟臣昨在達州時正月

初六日廣興會向臣索留總督令箭告以此

時帶兵剿賊令箭卽屬軍令未便留存達州廣興當時默然次日卽用印文咨請臣亦卽以印

文咨覆未允廣興大爲拂意及臣在途次廣興

咨送奏稿有來奏朱射斗隨營糧員納溪縣典史周國樞擅提軍餉一事臣當卽向朱射斗面

詢情由據朱射斗稱帶兵追剿之時往往糧員不能趕上營盤餉銀係按月支發所有糧石該

鎮預行關支二三日攜帶開單交與糧員登記
賬簿總算此項銀一萬五千兩係該鎮所帶官
兵應領馬乾鹽菜等項經額勒登保札行德漢
城糧站於備用銀兩內給發並非該糧員周國
樞擅自提取其賬目亦因該鎮追賊忙急之際
僅將所用零星散賬開單交與糧員想該員未
及按期彙報亦非該員有侵漁情弊乃廣興因

於詢問時未能詳對卽指爲有心朦混此其居
心過於苛刻冒昧劾叅之一端又臣在順慶府

賽雲臺地方拜摺後途次接到廣興來書並摺
稿一件內稱自嘉慶元年軍興以來賊匪不敢
窺伺江邊蓋由渡江有費工夫復有官兵緊躡
惟藉狂奔無暇搶渡查賊匪滋擾川省東北各
地方雖在嘉陵江東岸而自嘉慶元年以來沿

江地方撲河搶渡者已經多次俱因兵勇擊退
報明有案並非賊匪不敢窺伺無暇搶渡此其
並不查詢事之有無冒昧陳奏之一端又摺內
稱飭令川北道李鉉駐劄順慶府查該道已隨
額勒登保赴陝經隨營糧員知州崔特峯稟報
有案而摺內混稱飭令該道李鉉駐劄順慶其
與臣書內則云該道現在安住廣元此又其並

不詳查檔案草率陳奏之一端至摺內稱經睿
額勒登保前赴陝西原係遏賊赴甘之路救援
寧河今川省成都等處喫緊過於陝西伏懇

勒下額勒登保令其酌量陝省情形如可回師剿捕
固爲盡美卽不能分身亦必速派得力巴圖魯
侍衛鎮將大員帶兵星夜赴川堵截並稱商令
許文謨帶兵速赴順慶一帶相機策應等語查

達州係四達之區現在附近之東鄉一帶尙有
德楞泰所剿餘匪在彼游奕而存城之兵僅有
一千一百餘名留養傷兵八九百名未便再行
調動今廣興摺內稱許文謨帶兵前赴順慶不
知所帶何項之兵此皆廣興隨意妄爲率行調
度之明證似此種種乖謬臣不敢爲之徇隱相
應據實叅奏請

旨將廣興交部嚴加議處至總兵許文謨係額勒登保與臣

奏明專派駐守達州之員乃輒聽廣興之言不確事之輕重擅離所守實屬漫無把握應請

旨一併交部嚴加議處奏入

上命軍機大臣傳諭魁倫曰連日盼望魁倫捷音乃奏到之摺祇係行抵蓬溪分兵搜捕情形仍並未

追上賊匪接仗痛剿轉在獅子山紮營駐守且據奏稱蓬溪城外被賊焚燒並見民人被害屍骸此非魁倫疎防縱賊而何咎將誰諉魁倫旣目擊賊衆如此殘害生靈蹂躪地方尤當督率官兵竭力趕上賊匪痛加剿殺乃毫無展布轉於獅子山駐劄株守豈魁倫僅於沿途掩埋骸骨卽爲辦賊耶魁倫既不能預爲防範致任賊匪搶渡嘉陵江已

屬蹤玩罪不爲小今帶兵追剿又似此遲留不進
並不緊躡賊蹤奮力截擊是誠何心且置要務於
不辦惟知繕摺叅劾廣興移咨責備並將咨稿抄
錄進呈其意總欲將廣興制去以快其心試思魁
倫此時剿捕賊匪尚在不遑更有何暇爲此徒勞
筆墨之舉竟不解其是何心志即使魁倫以該處
竄匪別無伎倆心存易視以爲不難搜捕亦應將

如何易辦情形或十日半月即可殄滅之處於摺
內詳晰陳奏慰朕屢注而所奏之摺並未提及且
朕看此股竄匪分投肆擾其勢頗爲蔓延未必易
辦卽以此時賊匪甫經竄入不致任意鴟張然現
據奏稱附近民人已有被賊裹脅者若不速行剿
辦遷延時日則被裹之人日聚日多又安知不成
爲大股賊匪倘魁倫之意欲俟養成賊勢再行制

殺以顯其功恐彼時魁倫辦理更形棘手而貽悞
地方罪難寬貸當已早經拏問治罪雖欲立功自
効已無及矣凜之慎之至魁倫所叅廣興各款惟
索留總督令箭一節是伊之咎至請令額勒登保
酌量回師督剿或派巴圖魯鎮將等帶兵迅速赴
川堵截皆係代魁倫籌畫佈置保護地方起見卽
其商令總兵許文謨速赴順慶一節亦因該處守

備空虛預籌策應乃魁倫以許文謨聽信廣興之
言既令轉回達州又請將許文謨交部嚴議尤屬
作威自專大不是矣所請不准且據魁倫奏達州
除養傷兵丁外僅有兵一千一百餘名如令許文
謨前赴順慶不知應帶何項兵丁等語魁倫旣知
達州兵丁甚單而東鄉附近一帶又尙有餘匪游
奕乃並不酌等添派兵丁僅留許文謨在彼駐守

又焉能得力是其所言實屬自相矛盾至廣興誤
派李鋐前赴順慶及叅奏典史周國樞二事止於
冒昧輕率有何大過看來魁倫竟因與廣興挾有
嫌怨卒行填砌各欵欲入其罪惟知洩其私忿全
不以公事爲重魁倫著傳旨嚴行申飭伊在京時
曾經面奏伊前在川省搜捕嘔匪騎馬殺賊極爲
奮勇不遺餘力今剿辦此等竄匪乃轉延緩不前

豈非大言不慙魁倫業經貽誤於前其罪已浮於
勒保此時務須知愧知懼力圖自贖速將川西竄
匪剋日剿淨或仍逼回川北尚可收效桑榆倘仍
前玩誤遷延如不欲戰致賊匪將完善之區肆行
滋擾必將魁倫按律治罪不能曲爲寬貸

上又命軍機大臣傳諭廣興曰魁倫衆奏廣興在達
州會向伊面說欲留總督令箭魁倫不允復用印

文索取一節廣興係派辦糧餉之員總督令箭留
彼何用卽此一事可見少年高興全不知改悔朕
節次訓誠批諭不啻至再至三伊自當加倍小心
循分任事乃於魁倫自達州起身時欲將總督令
箭留用顯係有心干預豈廣興意欲辦理地方事
務耶著傳旨嚴行申飭伊向魁倫面說時有何人
在旁聞知旣經魁倫不允何以復用印文索取並

著廣興明白回奏如魁倫所叅情節屬實廣興卽當據實奏明請罪尙或可施恩量加薄懲若實有其事而又不肯承認或具摺狡辯卽當將廣興嚴行治罪不能稍爲曲貸矣

同日倭什布奏言樊人傑等匪經二十四日官兵痛剿之後分三路散竄孫清元等以房縣城垣緊要自黃隴堰抄出東面過住竄赴汪家河

之賊迎面截擊二十六七等日各殲斃賊二三十人知縣鍾應昌亦率鄉勇助勢該匪因東路嚴密猝從房縣城北草子山大木廠北走官兵繞由白濟堡前進剿殺而分竄上龕之賊亦仍折回思欲前後兜裹官兵適所調巴東之都司毛秉剛帶兵一千名趕到在東南馬欄地扼住此股賊人亦由草子山趕入大木廠尙有一路

青旗賊衆在房竹交界之陳家舖一帶忽南忽

北詭詐萬分

臣

察看賊情前二起勢已由房縣

北竄此路賊匪明係後擋官兵因飛飭房

竹二縣添募鄉勇協剿

臣

卽於二十八日自西

北而東以冀截斷此股該匪聞信卽走板橋舖

向北併入前縣大隊奔竄

臣

因匪衆旣歸一處

正欲設法抄道杜其北竄乃據竹谿西南半員

王有稟報復有賊匪羅姓爲首一股由陝境繳
子平東竄二十三等日仍撲石店河卡闌入
查該處臣已添設鄉勇派令備弁督防詎賊至

泗湧兵勇損傷多名把總朱天順外委唐文林
未知下落領首王道興身受矛傷卡隨竟不足
恃並據竹山令范繼昌稟稱此股賊匪仍由王
家山泉河等處東入縣境人數亦衆現有迤北

斜走田家壩之勢人民又復震動城守空虛糧

儲關係緊要疊次請撥官兵防護截剿是刻下

前後兩路賊人均屬喫緊而兵力不敷兼顧因

思樊人傑等抵死東突經官兵多方抄擊逼其

去路臣駐守得勝坡亦已扼住化口路徑乃該

匪又從房縣城北先後欲趨鄖境若闖近均殺

則躊躇仍係東竄臣自應捨輕就重前赴孫清

元一路督剿但前因東面兜賊緊急所有將備

兵勇已盡數交孫清元管帶臣處僅有兵七百

餘名即使前往所增無幾而中間賊匪阻隔兵

力不敷夾攻抄道亦恐緩不濟急西路羅逆一

股又已竄近不僅竹山縣城緊要臣若遽向東

行轉恐賊乘我後且任其夥入前四股之內則

賊勢益張辦理更爲棘手又據陝省道員溫承

惠寧報一股賊匪竄入平利之老鴉溝又有一
股賊匪從紫陽邊界竄入安康之二道橋亦距
平利境內甚近是西面之賊接續逼近更須遏
截此時自應分投就近剿辦庶兩路均不爲賊
牽制因責成孫清元一路從白濟堡繞道設法
兜截不令樊人傑等從東北兩面肆擾仍飛催
七十五由巴東興山確探賊勢攔擊並合襄殲

均鄖等州縣厚集鄉勇堵營該處一帶諒可無

虞

臣一路先令都司劉應世千總馬中俊帶兵

五百名從竹山東面官渡等處擇要堵截羅逆

隨親自率兵二百餘名於二十九日趕回暫駐

竹山縣城防守鎮定民心一面專札飛調南面

烏雲頂陰條嶺等卡副將樊雄楚叅將烏爾卿

額所帶兵勇一千五百餘名令其星夜趕赴竹

山臣卽親身帶領迎頭截剿斷不使羅逆一股復向東竄奏入

上命軍機大臣傳諭松筠倭什布曰前此由平利竄入竹谿之賊經倭什布派令總兵孫清元督兵截剿此股賊匪現從房縣奔竄欲趨鄖境而羅姓一股賊匪又從陝境闖入竹谿石店河地方該處卡隘竟不足恃以致兵勇傷損多名倭什布所司何

事看來楚省防堵要隘全係空言一遇賊匪奔竄
卽不能抵禦任其闖入現在楚省賊股較多非倭
什布所能辦理前經降旨令伊留楚帶兵仍留其
翎頂以觀後效今倭什布種種踈玩罪實難寬前
已有旨令松筠速赴楚境督剿著卽馳赴竹谿一
帶相機剿辦松筠到彼卽傳旨將倭什布翎頂革
去仍令隨營効力贖罪倭什布現係獲罪之人不

得因松筠到彼心存諉卻應將該處賊匪情形詳悉告知松筠聽其調派幫同上緊剿賊總之楚境賊匪早淨一日則倭什布之罪尙可稍寬若日久蔓延則獲罪更重松筠尤當飛催弘豐王凱帶兵協剿竄匪卽於楚境辦竣不得僅將賊匪驅出邊界又致闖入川陝至七十五前據魁倫奏在大寧一帶昉堵嗣又據奏調往重慶至今亦未見到彼

七十五在大寧究竟剿辦何賊伊現在何處是否
於中途逗遛並著松筠查明據實具奏

同日吳熊光奏言臣於裕州途次接據南汝道

陳鍾琛稟報探得楚北賊匪分股竄至離州城

一百二十里之白浪中關賊探至離城五十

里之嵩口又據都司楊景芬稟報賊探已至離

陡河口一百三十里之常坪臣思楚北二竹園

入賊匪係川省殘敗餘氛均州等處既有分竄

之賊陸河口距均州尚遠何以又有賊匪竄擾

或係探報未能確實抑或賊情狡詐故多分股

數虛張聲勢希圖牽制官兵

臣當卽札飭該司

道等於襄江北岸持以鎮靜確探賊蹤趨向慎

密防守斷不可預涉張皇轉使一姓驚疑且刻

下襄江雖多淺灘究有一江之隔分派幹員於

沿江上下提禁往來船筏卽賊蹤竄近亦無從
飛渡而前調開封新兵一千名已於二十九日
齊抵老河口地方交臭司完顏岱分撥管帶擇
要巡防設不敷用并令該司道等就近再僱鄉
勇數百名用壯聲威而資聯絡現在南汝道陳
鍾琛與知州單可垚等帶領鄧州練勇駐劄均
州對岸之槐樹舖一帶都司楊景芬帶兵駐劄

陞河口係襄江上游臬司完顏岱等帶領兵勇
駐劄光化縣之老河口係在下游

臣

以賊匪詭

詐異常並飭陳鍾琛等萬不可輕意移營致令

乘虛搶渡設賊蹤果由均州北竄則柳舗一帶

最關緊要楊景芬可以帶兵順流而下遄往策

應倘賊東趨完顏岱帶兵移防下游則陳鍾琛

楊景芬等所帶兵勇亦當席捲而下均飭該司

道等確探賊匪的實趨向相機分投防堵其可

鎮所帶兵丁現據探報石泉竄匪亦有東趨之

勢暫且毋庸抽調臣已於初三日行抵南陽府

城將一切軍需事件趕緊料理一面察探楚北

賊信如果直向均州一帶臣卽前赴鄧州等處

督防倘向東趨臣當取道新野一帶董率經理

奏入

上命軍機大臣傳諭吳熊光曰楚北邊界賊匪分股奔竄經吳熊光札飭司道等於襄江北岸確探賊蹤慎密防守並據稱石泉竄匪亦有東趨之勢西路兩鎮兵丁暫且無庸抽調所辦俱合機宜惟所稱該處究有一江之隔分派幹員沿江上下提禁往來船筏一節吳熊光當倍加謹慎不可大意該撫於防堵事宜素爲認真第恐所派人員未能實

力巡防轉致疎縱遼寧省漢江綿亘甚遠各處淺灘亦多賊旣捨命奔竄應防其浮水而渡吳熊光當以川省嘉陵江疎防爲戒至防堵工岸兵力不敷自當多圖鄉勇以資堵截該督現已馳抵南陽應確探楚匪竄近何路卽星馳前住督辦俟楚北窺匪剿淨豫省邊界寧謐吳熊光再行回省可也

同日魁倫奏言寫照福寧前在旗鼓寨殺戮降

人一節欽奉

諭旨交

臣審擬具奏當將訊取福寧供詞進呈嗣經

調到副將呂朝龍質與福寧所供相符查福寧

如果意存邀功將投出降人概行誅戮作爲臨

陣殘殺之數餚詞具奏致邀功賞自當擬以重

辟抑或當時並不奏明事後被人告發則屬有

心諱餚亦有應得之罪今訊明福寧於投出之

賊匪二千餘人因其躊躇窮蹙始行乞降且均
係兇悍狡詐之逆犯留之恐嗣後患概予駢誅
並卽時曾經奏明有案尙非有心冒功及欺飾
諱匿者比惟於誘以帶同打仗給予號褂令其
進城領糧陸續辦理之處彼時委內並未詳悉
聲敘顯屬朦混且現在賊匪不肯就撫未必非
因福寧前有此舉心懷疑懼臣酌核情節福寧

事非得已尙可免其死罪除業經革職外應請旨發往新疆自備資斧効力贖罪以示懲儆奏入

上諭內閣曰魁倫奏審擬福寧前在旗鼓寨殺降一

案請將福寧發往新疆効力贖罪福寧在旗鼓寨

誘殺已降之賊致令各處賊匪心懷疑懼不肯投

出其罪甚重本應照擬發遣姑念福寧究以慮及

降賊不可深信辦理錯謬尙屬有因着加恩免其

發遣自備資斧前赴額勒登保軍營作爲兵丁効

力贖罪

同日

上又命軍機大臣傳諭長麟曰現在大兵甫入甘境
云留未定當此軍務喫緊之時一切糧餉軍火自
不可不寬爲籌備著長麟將國霖定住管解川陝
餉銀內酌留陝西省城三十萬兩解送漢中二十

萬兩解送四川四十萬兩以備川陝兩省支用其
餘六十萬兩卽着解赴甘省以供要需至前經降
旨於部庫撥銀八十萬兩內務府庫撥銀二十萬
兩解往甘肅以備庚申年兵餉之用此項銀兩日
內業已起解長麟當派員先期迎催並飭沿途多
派兵役小心護送勿致稍有疎虞爲要該督於一
切供支尤應撙節毋任局員濫行支銷致滋糜費